

Ekwo-ozì Ke Mbù, Pòlu Deru Nù
Timoti

¹ Ekwo-ozì-a bẹ shi l'ẹka mbedua, bụ Pòlu; mbù mụbe onye-ishi-ozì Kéreshi Jizọsu. Ọo Chileke ono, bụ onye l'adzoje anyi; yẹe Kéreshi Jizọsu ono, bụ onye anyi ele ẹnya iya-a; bẹ ziru mu gẹ mu bụru onye-ishi-ozì ono. ² Onye mu ede ekwo-a anụ bụ gubedua, bụ Timoti; onye bụwaa ọkpobe nwa mu; l'ekweta ono anyi kwetarụ ono. Gẹ Chileke, bụ Nna; mẹ Nnajiuphu, bụ Kéreshi Jizọsu; meeru ngu eze-iphe-oma; phuru ngu obu-imemini; mekwapho g'ẹhu dụ ngu guu.

Alọ ndu ẹjo-nzi ẹka lẹ nchị

³ Sụ-a; teke ono, mu eje Masedoniya bẹ mu sụkwaru ngu: jiko g'ị nọdukwapho lẹ Efesọsu k'ọphu ịi-harụ alọ ndu ẹjo-nzi ẹka lẹ nchị g'ẹphe b'e ezihẹkwa iphe, abudu ọkpobe-opfu. ⁴ Ọphu ẹphe anọdujeshi akọ-phe mkpọkoro akọ-iphè ndu Jiu. Ọphu ẹphe agushijeshi ndzepfu ndzepfu ẹpha ndiche; ẹpha ọphu ta abvụjedu abvụbvụ. Ẹgube iphe ono bụepho igoligoli bẹ ọokpalije. O to yejeduru nemadzụ ẹka g'o mee iphe, Chileke tumberu g'o mee; mbù iphe ono, anyi shi l'ozì-oma, anyi kwetarụ ono maru. ⁵ Iphe, kparụ iphe, mu gude nmaaru ngu ọkwa-a bụkwa gẹ ndu kẹ Kéreshi egude obu iphóró yee nwibe phẹ obu; gude egomunggo phẹ maru iphe, gbaru phẹ l'ememe; kweta kẹ Chileke ọkpobe ekweta. ⁶ Ọ duru ndu hawaru shiswee ọkpobe ụzo ono; woru iphu chee ichephu; shiwaro nno wata epfuphe mkpọkoro opfu. ⁷ Ndu ono bẹ ọogu ẹgu aburu ndu ezi ekemu Chileke l'ẹbe abụ l'opfu, ẹphe epfu doru phẹ ẹnya; ọphu iphe ono, ẹphe epfushi opfu iya ike ono edokwaru phẹ pho ẹnya.

⁸ Anyịbedua g'anyi hakọta bẹ tūkokwaru machaarū l'ekeme Chileke bẹ dū ree mẹ a -nọdu emekwa iya g'ọ gbaru g'e meje iya. ⁹ Ọle ọphu doru ẹnya bụ l'ọ tọ bụkwa ndu p̄fuberekoto bẹ a tū-doru ekemu ono. Ọ kwa ndu adarwū ekemu adarwū; mẹ ndu bụ ọ-kari-ẹka; tūaru iya ndu anọduje akpọ Chileke ẹbo l'afū; mẹ ndu iphe-ẹji; tūaru iya ndu adūduru Chileke nsọ; mẹ ndu ono adūdu iphe, bụ kẹ Chileke mẹ nanū dūru ọphu ẹphe eyeru nsọ ono; bya atūaru iya ndu egbuje nna phẹ mẹ ne phẹ; bya atūaru iya ndu mgbugbūmadzu l'ophu. ¹⁰ A tūru iya doberu ndu arwūje ūrwali; mẹ unwoke ejepfufe unwoke ibe phẹ; bya atūa ya doberu ndu apa nemadzū l'oshi. A tūru iya doberu ndu adzūje ụka mẹ ndu akpapyabeje iphe, ẹphe meru ria nte; bya atūa ya doberu iphe, bụkpoo ndu eme iphe, abūdu ọkpobe-opfu ono, e ziru unu ono. ¹¹ Ọkpobe-opfu ono, e ziru unu ono bẹ shikwa l'ozima ono, Jizọsu Kéreshi yeru mu l'ẹka ono. Ozi-oma ono bụkwanuru ozi-oma k'ọdu-biribiri Chileke ono, bụ Chileke dūkota ree bya edzukọta oke l'ime onwiya ono.

Pọlu etu Chileke ẹpha

¹² Mu etu Nnajiuphu, bụ Kéreshi Jizọsu ẹpha. Ọo ya bẹ bụ onye meru; mu dū ike eje ozi-a, mu eje-a. Mu etu iya ẹpha; kẹle o lewaru ẹnya hūma lẹ mu gbaru k'ọphu ya e-gude ire mu ẹka; bya ahọta mu gẹ mu jeeru iya ozi ono. ¹³ A makwarū-a lẹ mu shi anọduje epfutọshi Jizọsu Kéreshi lẹ mbūlembu; shi anọduje achi nta iya; shikwaphọ anọduje eme iya iphe-iphere. Ọle Chileke bẹ phūlekwaru mu-a obu-imemini; kẹle iphemiphe ono, mu shi eme ono bẹ mu shi eme l'amagama. Mu te eshidu kwetawaa teke ono l'ọo Jizọsu bụ Nnajiuphu. ¹⁴ Tọbudu iya bụ; Nnajiuphu anyi ono, bụ Jizọsu Kéreshi ono bya aphūaru mu obu-imemini ọphu nyịberu g'aatū ọnu iya.

O mee mu: mu bya ekweta l'ọo yẹbedua bụ Nnajiuphu; mekwaa mu phọ: mu bya eyee ndu ọzo obu. Ono bụru iphe, oomejeru iphe, bụkpoo ndu ẹphe l'iya tųgbaru bụru nanu. ¹⁵ Ọwa-a bụ opfu, gbaru g'e gude iya ẹka; tẹme ọ dų ree g'onymonye gbobe ẹka nata iya ọkpobe anata. Lẹ Kéreshi Jizọsu byaru lẹ mgboko-a gẹ ya bya adzọo ndu eme iphe-ẹji. Ọ bụru mbẹdua bẹ eme iphe-ẹji ọbu shi wụkoru. ¹⁶ Noo g'o gude Jizọsu Kéreshi phụaru mbẹdua obu-imemini bya emee g'ọ bụru l'ẹhu mu bẹ ya e-shi goshi ndu ọzo gẹ ya atabeje nshi shii. Ọo ya bụ lẹ Jizọsu Kéreshi bẹ gude ẹhu mu egoshi ndu ọzo lẹ ya a-gbẹnu dzọo phẹ; nų phẹ ndzų ojejoje; o betakpọoru iphe-ẹji phẹ dų idagha; mẹ ọ -bụru l'ẹphe kwetarų nkiya. ¹⁷ Sụ-a; gube Chileke ono, bụ eze ojejoje; bya abụru onye ta anwuhujedu anwuhu; bya abụru onye ata humajedu l'ẹnya; bya abụru ngu bụ Chileke, maru iphe kpoloko; g'a kwabẹ ngu ùbvù; jaa ngu ajaja; jasų lẹ tuutuutuu lẹ mịimiimii. Nokwa g'ọ dų bụ ono-o.

¹⁸ Sụ-a; nwa mu Timoti; mu anma ọkwa-a eye ngu l'ẹka. Gẹ mu gude iya nyatarų ngu iphe, ono ndu mpfuchiru Chileke pfuru l'opfu ẹhu ngu ono; k'ọphu ii-gude iya lwua ọgu ẹhu Chileke ono. ¹⁹ Kwekpọekwapho kẹ Kéreshi; g'iphemiphe, iime bųjeekwarupho iphe, obu ngu marwataru l'ọo iphe, gbaru iya l'ememe. O nwekwarų ndu machacharu-a iphe, gbaru phẹ l'ememe, obu phẹ sųru g'ẹphe mee; ọphu ẹphe emejedu iya. Ọ bụru iphe ono meru g'o gude ekwekwe, ẹphe kweru kẹ Kéreshi rikashihu erikashihu g'ųgbo-mini, jeru asua onwiya l'akpa. ²⁰ Ndu harų yiru lẹ ndu ono bẹ bụ Hayimeniyọsu waa Alẹguzanda. Ndu ono bẹ mu woakwaru ye Nsetanu l'ẹka g'ọ nų phẹ aphų k'ọphu ẹphe a-nwutakwanu l'ọ tọ dudu ree mbų epfutọshi Chileke.

2

Abaru Chileke eja le Chiochi

¹ Iphe mbu, mu epfu epfushi ike bu; g'e pfujeru nu Chileke su iya g'o gbaarū ndiphe mkpu; l'o meeru phe iphe, mkpa iya duru phe. L'a rwojekwa iya pho arwo rwo ehu onyemonye; ekelejekwa iya pho ekele. ² G'e pfujeru nu Chileke l'iswi ehu ndu eze; mewaro iphe, bukpo ndu bu ndu-ishi. Oo ya bu k'ophu nchi a-du anyi doo; anyi eburu l'ehu-guu; anyi a-nodu anuru Chileke opfu; mekwapho k'ophu anyi a-noduje eme umere, gbaru anyi l'iphemiphe, anyi eme. ³ Su-a; nokwa iphe, du ree bu onoya. Teme o bukwaru iya pho bu iphe, du Chileke ree; mbu Chileke ono, bu Onye-Ndzota anyi ono. ⁴ O du Chileke l'uche ge ya tuko iphe, bukpo nemadzu l'ophu dzoo. O dukwa iya pho g'a su l'iphe, bu nemadzu g'a ha byakotaru bya amaru iphe ono, bu okpobe-opfu onoya. ⁵ Noo kele oo Chileke lanu be du nu kpoloko; o bukwarupho onye lanu kpoloko be bu onye apfujeru le mgbaka Chileke ye nemadzu. Onye ono bu iya bu Kereshi Jizosu, bukwapo nemadzu l'onwiya. ⁶ Onye woru onwiya nu g'e gude ndzu iya gbata oha l'ophu; agba ekebe iya l'orwuberu iya. ⁷ Noo g'o gude o hota mu mee mu ge mu buru onye-ozima; buru onye-ishi-ozima ono; k'ophu mu e-gude ozi-oma ono je araa arara l'ali ndu abudu ndu Jiu; k'ophu ephe e-kwetakota okpobe-opfu ono. Mbua; o kwa okpobe-opfu be mu no l'eka Kereshi epfu ono. Mu ta adzuka uka.

⁸ Su-a; iphe, du mu ree bu g'unwoke pfujekwa nu Chileke l'iphe, bukpo ekameka. G'ephe chilije eka phe gude obu iphoroo epfu anu Chileke. G'ehu te eghujekwa phe egu; ophu ephe abojekwa obu ebo m'ephe nodu epfu anu Chileke.

⁹ A bya abya l'ụnwanyi; iphe, ụ mu ree ụ ụ ụ nwanị rije ọriri maru ẹgube uwe, ooye l'ẹhu. Ụ nwanị yeje uwe gbaru iya nụ. G'iphe, ẹphe e-gudeje eme omemma ụru iphe, egoshi l'ẹphe doberu onwophẹ ọrù bya esedeje onwophẹ. G'ọ tọ ụkwa eme ẹgbushi g'ọ ụru iya ụ ẹka ẹnya a-nọdu eje. G'ụnwanyi te egudejekwa mkpọla-ododo yẹ aka eme omemma. Ọphu ẹphe eyejekwa uwe erenụka ire gude akwa onwophẹ ngwa. ¹⁰ Iphe, ụnwanyi emejechia ụ g'ẹphe meje iphe-oma, ụkwanu iya ụ iphe, gbaru ụnwanyi, sụru ẹ Chileke ụru phẹ ẹ nsọ l'ememe. ¹¹ G'ụnwanyi wozejekwa onwophẹ alị ọkpobe ewoze; nọduje nwa nggujungguji; nwụje iphe, eezi phẹ. ¹² Mu te ekwekwa g'ụnwanyi zije iphe. Ọphu mu ekwedu g'ọ ụru nwanị, anọdu aturu unwoke iphe, ẹphe a-nọdu eme. G'ụnwanyi jipyajẹpho onwophẹ nwadoo. ¹³ L'ọ kwa Ádamu bẹ Chileke vuru ụzo mee tẹme o meje Ivu. ¹⁴ Ọphu ọ ụkwa Ádamu bẹ Nsetanu ghọru ụgho; ọ kwa nwanị bẹ ọ ghọru iya; mee ya o mebyia ekemu, Chileke turu. ¹⁵ Ọle iphe, Chileke l'e-gude dzọo nwanị ụ anwushi ụnwu; me ọ ụkpowaru l'ọ nọ-shiru ike l'ekwekwe, o kweru kẹ Kéreshi; bya eyee ndu ọzo obu; ụru onye kẹ Chileke ọkpobe abubu; bya edobe onwiya ọrù.

3

Ndu-ishi ndu Chiochi

¹ Iphe ono, e pfuru ono ụkwa ọkpobe-opfu: “Ọ -buru l'ọ ụru onye ẹnya ụ g'ọ ụru onye-ishi Chiochi; onye ono ụkwa ọkpobe iphe bẹ agu iya nụ.” ² Onye-ishi Chiochi ụfutajekwa onye ụta adudu ẹ ndzu iya; onye alu nwanị lanu; ụkwarupho onye esedeje onwiya; ụru onye nweru uche; onye umere iya ụ ree; onye

ooheje ihee akwa ebyaa; l'ò bụkwarupho onye aduje ike ezi ndu ọzo iphe. ³ G'onye ono ta abụkwaru onye anguje mee g'ò tsu iya atsutsu; ọphu onye ono abụkwaru onye eme ehuka. G'ò tọ bụkwaru onye eme ughoro. G'onye ono buchiaru onye atajeru iphe nshi; onye ta aswojedu uswo; l'ò bụru onye te eyeduru enya l'okpoga. ⁴ G'onye ono bụkwaru onye duru ike leta ibe iya enya ree; onye unwegirima ibe iya anuru opfu bya akwabẹ ubvu. ⁵ Lẹ teke ọ bụ lẹ nemadzụ ta adudu ike bụru onye-ishi l'ibe iya; ?denuhunu g'onye obu e-me du ike bụru onye-ishi Chiochi ke Chileke? ⁶ G'onye ono ta abụkwaru onye teke adudu iphe, ọ mawaru lẹ ke Chileke; k'ọphu onye obu ata watadu etse etsetse; eshi egube ono Chileke anmaa ya ikpe g'ò nmaru Obutuswe. ⁷ Onye ono aburu onye ndu adudu ndu Chiochi epfu l'oome ree; ọo ya bu g'ò tọ dukwanu onye a-su l'ò phu iphe, onye-ishi Chiochi meru; a -nonyaa Obutuswe gude egube iphe ono nmata onye-ishi onoya l'onyà.

Ndu ejeru Chiochi ozi

⁸ Nokwapho gẹ ndu ejeru Chiochi ozi bụfutaje ndu eeyeru ubvu. Epe taa buduru ndu ntuphu-ire; ọphu epe abuduru ndu ngunukaru mee; ọphu epe abuduru ndu anoduje achọ urwu l'uzo adudu ree. ⁹ Epe e-gude obu phe g'ò ha gudepyabẹ okpobe-opfu ono, Chileke goshiru anyi ono; g'obu ta awajekwa phe mini. ¹⁰ G'e vujeadakwaru ọzo hụadaa ndu obu ama; teke a hụchaaru phe ama; ọphu ọ dudu eka onu aboru phe ebo; temanu e yewa phe ro g'ephe jejeru Chiochi ozi. ¹¹ Nokwapho gẹ unyomu phe bụfutaje ndu eeyeru ubvu; ndu ta asudu asulasu; ndu aduje ike sede onwophe; epe aburu ndu e gude ire phe eka l'iphemiphe. ¹² G'onye ejeru Chiochi ozi bụkwaru nwanyi lanu kpoloko be ọo-nodu alu. L'ò

buru onye duru ike eleta unwu iya enya rengurengu; eletakwapho ibe iya enya ree. ¹³ Noo le teke o bu le ndu ejeru Chiochi ozi be ejerwe iya ejerwe be o gbakwaru ke g'a kwabeje phe ubvu, ha shii. Epe adujekwanu ike shihu obu ike asa iphe ono, anyi kweru ono kpaa kpaa; mbu iphe ono, anyi no Kereshi l'eka kweta ono.

Iphe, Chileke shi domia edomi

¹⁴ Ekwo-ozia be mu ede anu ngu; ole o to dukwa ge mu ano-beru nta-a mu abyapfuta ngu; ¹⁵ k'ophu bu; mu -noahaa odu abyabya l'ii-maru g'i-gudeje eme umere l'ulo Chileke ono, bu iya bu Chiochi ke Chileke ophu dzu ndzu; bya aburu itso yee okpa-ulo k'okpobe-opfu onoya. ¹⁶ A tukoru kwetakota l'okpobe-opfu ono, Chileke shi domia edomi onoya pfubekpooru paa eka mebyi apaa. Chileke goshiru iya anyi; anyi kwetakwa iya pho. Okpobe-opfu obu be pfuru su:

Jizosu be byaru le mgboko-a

bya aburu nemadzu.

Unme Chileke goshi

l'o bu

onye pfuberekoto.

Unwu-ojozi-imigwe

gudekwapho enya

phe huma iya.

E pfukotararu ohamoha,

no le mgboko opfu

ehu iya.

Ndiphe kweta nkiya;

Chileke bya ekuta iya

kuba l'imigwe

je akwabeh iya ubvu,

ka l'ubvu.

4

Ndu ejo-nzi

¹ Unme Chileke bẹ epfuru iya anyi enwu iya anyi enwunwu lẹ nchị sụ l'e-mechaa nweru ndu e-dochi ekweta onoya wata anga nchị l'iphe, ndu ọbvụ alọ-kpurukpuru epfu; wata etso iphe, ọbvụ ono ezi. ² Gude opfu tuko-l'ẹhu-atuko-l'obu adzushi ụka; ndu e gudewaa ọku mkpurukpu-igwè hụchishia egomunggo. ³ Ẹphe anọduje ezi g'a ta alụjeshi nwanyị; ọphu erijeshi ẹgube nri ọwaa ọzo ọphuu; mbụ nri, Chileke meru gẹ ndu kweru nkiya bya amaru ọkpobe-opfu ono rije eriri. ⁴ Iphemiphe, bukpo iphe, Chileke meru bẹ dukotakwa ree. Ọ tọ dukwa ọphu gbaru kẹ g'a jikaje iya mẹ e kelewaa Chileke ekele iya. ⁵ Noo kẹle opfu Chileke yẹe epfupfu, e pfuru nụ Chileke onoya bẹ mewaru iphe onoya ọ dū nsọ l'iphu Chileke.

Onye ejeru Kéreshi Jizọsu ozi ọkpobe ejeje

⁶ Ọ -bụru l'i woru iphe, bụ ọkwa-a, a nmakotaru ngua g'ọ ha nmakotaru iphe, bụ ụnwunna g'ẹphe hakota bẹ bukwa iya bụ l'ị bụ onye ejeru Kéreshi ozi eje iya ọkpobe ejeje. Ọo ya bụ l'iigoshi l'ọo opfu Chileke ono, i kwetarụ mẹ ọkpobe iphe ono, e ziru ngu ono, i shiẹpho k'eshinu ono tsota ono bẹ bụ nri, i gude azụ onwongu. ⁷ Ta angabejekwa nchị lẹ mkpokoro akọ-iphè ụnwanyi ọgerenya, bụ akọ adụdu iphe, bụ ọkpobe-opfu, dū iya nū ililekpọo. Iphe, ii-mechia bụ g'ị hụje onwongu ahùhù; g'iigude nno nọdu ndzụ, dū Chileke ree. ⁸ Kẹle ahùhù ọphu aahù ogwẹhu bẹ urwu, dū iya nū hakwa nwanshii; obenu l'ọphu urwu gbaru mgburugburu bụ lẹ nemadzụ anụru Chileke opfu. Noo kẹle Chileke kweru ukwe lẹ ndu eme nno bẹ ya e-meru eze-iphe-oma lẹ ndzụ ọphu ẹphe nọ nta-a; bya emeeru phẹ iya lẹ ndzụ ọphu ẹphe a-nọdu

l'oduliphu. ⁹ Opfu-a bẹ bu opfu, e gude ẹka; mbu opfu gbaru g'onnyemonye machia ẹka labo nata iya. ¹⁰ Oo iphe ono meru g'o gude anyi ndu anoduje eseshi akanya iya ike; eje iphe-ehuka. Kele anyi kpuru obu yeru Chileke, ndu ndu; mbu Chileke ophu bu Onye-Ndzota ndiphe l'ophu; kelekele ke ndu kweru nkiya.

¹¹ Pfuaru phe iphe onoya pfushiaru phe iya ike; l'iizikwaa phe iya pho ezizi. ¹² Te ekwekwa g'o duru onye a-ndu eko ngu okpa l'ishi opfu l'i bu nwata. Iphe, i-mechia bu g'i buru iphe-leta-mee l'opfu onu; me abo uja; me le n-yemobu; me l'ekweta ke Chileke; me l'adubebe ree. ¹³ Iphe, inodukpoepho emeje jasu mu abya bukwa: g'i gujeru Chiochi ekwo-opfu Chileke; l'i meje g'obu shihu phe ike; l'i towashijekwaru phe pho opfu Chileke g'o doo phe enya. ¹⁴ Ta akwaswekwaru enya l'iphe-oma ono, Chileke meru ngu teke ono, ndu mpfuchiru Chileke gude ike, Chileke nuru phe pfuchiaru iya ono; mbu teke ono, ndu e meru ogerenya Chiochi byaberu ngu ẹka l'ishi ono. ¹⁵ Kebekpopho ehumeje iphe ono; phube iphu me iya ree; k'opfu onnyemonye l'a-huma g'i gude ejekpopho l'iphu l'iphu. ¹⁶ Kwabekwarupho umere ngu enya; l'i kwabekwarupho enya l'iphe ono, iizi ndu ozo ono. Mejekwapho iphemiphe ono; kele i -ndu emewaa egube ono; l'i dzoo onwongu ndu; dzoo ndu anoduje anu iphe, iipfu.

5

¹ Ta abajekwaru nwoke, ka ngu aburu ogerenya mba; tojochikwa nwehu pfuru yeru iya g'o bu iya bu nna ngu. L'i mejeru unwoke, ka aburu nwata ge gu l'ephe bu unwune. ² Unwanyi ka aburu ogerenya be i-meje g'ephe bu ne ngu. L'iimejekwarupho unwanyi,

ka ngu aburu nwata ge gu l'ephe bu unwune. Te emerwushikwa onwongu l'ehu phe.

Unwanyi, ji phe anodedu

³ Kwabejekwa unwanyi, ji phe anodedu ubvu; mbu ndu ophu adudu g'o du phe ililekpoo. ⁴ Teke o bu le nwanyi, ji iya anodedu nweru unwegirima; ozoo unwu nwa-nwa; g'unwegirima ono nwuta l'oo ephebedua evukpoadaru uzo leta ndu unuphu phe enya; l'o nokwa iphe, gbaru ndu ke Chileke bu ono. Oo ya bu; g'ephe eshi nno melataru ndu nwuru phe nu ree, ephe meru phe. O kwa iphe ono bu iphe, du ree l'iphu Chileke. ⁵ Ole ge nwanyi, ji iya anodedu; ebe o dudu g'o du iya ililekpoo; ophu o to dudu onye eleta iya enya; bukwaru Chileke be oo-nodu ele enya l'eka. G'o to tu-gbejekwa eka l'anodu epfu anu Chileke eswe l'enyashi. Iphe, onoduje epfuru Chileke bu g'o kwoo ya le mkpa. ⁶ Nwanyi, ji iya anodedu ophu anodujeepho eme iphe, bataru iya l'obu be nwuhwakwaru anwuhu; l'eka o no ndzu. ⁷ Noo iphe, iipfuru phe bu onoya; mbu pfua ya kwata pfushiaru phe iya ike; k'ophu ephe a-nodu eme umere, gbaru phe nu. Oo ya bu; g'o to du iphe, aa-ta phe uta iya. ⁸ O -buru l'o nweru onye haru ndu ephe l'iya bu; ophu ooletadu phe enya; kelekele ndu ophu bu ndibe phe gededede; onye ono bukwa iphe, oogoshi bu le ya te ekwedu ke Kereshi; mbu l'onye te ekwedu ke Kereshi be gbekwa ka iya nu mma.

⁹ G'e te edejekwa epha nwanyi, ji iya anodedu l'ekwo; mbu onye ophu teke ano-rwudu ukporo apha eto le mgboko; gbahaepho onye bu nwoke lanu kpoloko be o lujeru; ¹⁰ waa nwanyi, aatu-dzuru onu iya; l'oome ree shii. G'o bukwaru nwanyi, hefutaru unwu iya ree; buru onye akwaje ebyaa ree; buru nwanyi, gudewaa mini kwoo ndu-nso okpa; bya aburu nwanyi, yewaru ndu

eje iphe-ẹhuka ẹka; bukwarupho onye wowaru onwiya yekọta l'eme iphe-oma mgburugburu kpọo.

¹¹ Jikajekwa ede ẹpha nwanyị, ji iya anọedu, bukwadu nwẹpa. Noo kẹle ọobujeru teke ẹgu nwoke gutaeru phẹ phọ; ẹphe aghaarua Kéreshi azu wata achọ g'ẹphe e-me je aluru ji ọzo. ¹² Ẹphe -mewa iya nno bukwa iya bu lẹ Chileke a-nma phẹ ikpe l'ẹphe te emeedu iphe ono, ẹphe kweru Kéreshi ukwe ememe onoya. ¹³ Teme ọzo buru l'ẹphe a-wata eme ẹnyiru; tsoru ekpuphe l'ulo l'ulo edophe gwẹrigwerigweri; buru o-geru-opfu, 'e kuduru iya; epfugbaa iphe, agbakpodaaru phẹ l'epfupfu. ¹⁴ Nokwa g'o gude mu su gẹ nwanyị, ji iya anọedu, bukwadu nwẹpa je aluru ji ọzo; nwushia unwegirima; leta ulo iya ẹnya. Oo ya bu; g'onye ohogu anyi ono te enwe iphe, ọo-huma anyi l'ẹhu gude epfubyishi anyi. ¹⁵ L'o nwekwaru ndu ọphu hawarunu Kéreshi wata etso Nsetanu. ¹⁶ Oo ya bu; ọ -duru nwoke ọzo nwanyị kweru kẹ Kéreshi, nweru abubu, ji iya anọedu ndu; g'onye ọbu letakwa abubu iya ono ẹnya. G'onye ono ta apakwaru mkpa ẹhu nwanyị ono bya ebo Chiochi. G'ọ bukwarupho ndu ọphu ji phẹ anọedu; ẹbe ẹphe amadu g'ẹphe e-me onwophẹ bẹ Chiochi a-nọduje eleta ẹnya.

Ndu e meru Ọgerenya Chiochi

¹⁷ Iphe, gbaru g'e meje iya bu g'a kwabeje ndu e meru ọgerenya Chiochi ubvu ọkpobe akwabe; mbukwa ndu ọphu l'ejeru Chiochi ozi ree; kelekele kẹ ndu ono, kukeberu ẹhu asa opfu Chileke asasa; ezikwa iya phọ ezizi ono. ¹⁸ Noo kẹle e deru iya l'ekwo-opfu Chileke su: "Te ekechijekwa eswi onu me ọ -nọdu azọshiru ngu ereshi." Bya asukwapho: "Onye akanya gbaru k'anata ugwo akanya iya." ¹⁹ Ọ -buru l'o nweru onye suru l'onye e meru ọgerenya Chiochi bẹ meru ẹji; te eyekwaru onye

Ọbu ọnu; a -gufukwa l'a dū ẹbo; ọzoo ẹto gbaa ya ekebe iphe ọbu l'o meru iya eviya. ²⁰ Ndu ọphu, bụ ndu eme ẹji bẹ ịi-bajeru mba l'edzudzu-ọha. Ọo ya bụ gẹ ndu ọphunapho atsuḥukwanu ebvu.

²¹ Mu nọkwa l'iphu Chileke; mẹ l'iphu Nnajiuphu, bụ Jizosu Kéreshi yẹe l'iphu unwu-ojozi-imigwe ono, ọ họtaru ono epfushiru ngu iya ike sū g'i mejekwa iphemiphe-a, mu epfuru ngu-a g'ọ ha; g'ọ tọ dukwa ọphu ii-mephodoje. Ọphu ọ dukwa iphe, ii-leje nemadzu ẹnya l'iphu eme. ²² Rije-odakwa ọriri; tẹme l'ị byabẹ nemadzu ẹka l'ishi. G'ẹka ngu ta adujekwa l'iphe-ẹji, ndu ọzo eme. Dobeekwapho onwongu ọrù. ²³ Ọ tọ buekwapho mini kpoloko bụ iphe, ịi-nguje. Ngutajekwa mẹe nwanshịi m'ọbvụ ẹpho ngu ono; mẹ ẹhu ba adu ike ngu onoya, bụ iphe ono anọduje eme ngu tekenteke onoya.

²⁴ O nweru ndu ẹjo-iphe, ẹphe eme dabyiru ẹba; mbụ ọ gbekwanu dū g'ọ bụ l'iphe-ẹji, ẹphe eme bẹ vuwaa phẹ ụzo eje gẹ Chileke nmaa phẹ ikpe. O nwekwarupho ndu ọphu nkephẹ akpọadaa upfu tẹme l'ọo vọ-lishihu. ²⁵ Nokwaphọ g'eme ree dū. O nweru ree, nemadzu e-me l'ọ bụru ree, a tukuror ele l'ẹnya. Teke ọ bụ l'o nweru ree, e meru; ọphu a hụmaduru iya nta; a -nonyakwaapho bẹ ọo-tukokwaa vọ-lishihukọta.

6

Ndu bụ ohu

¹ G'iphe, bụ ndu bụ ohu guje nnajiuphu, nwe phẹ nū lẹ ndu gbaru g'a kwabẹje phẹ ùbvù; k'ọphu e tee wotadu ẹpha Chileke yẹe iphe ono, anyi ezi ono epfubyishi epfubyishi. ² G'ohu, ndu ọphu nnajiuphu phẹ bụ kẹ Kéreshi; te ekojekwa phẹ ọkpa l'ishi; kẹle ẹphe bụ unwunna. G'ẹphe gbẹjechikwa kabakpọo phẹ rọ

ejeshiru ozi ike; eshinu onye ono, nweru ohu ono kweru ke Kéreshi; b̄uru onye d̄u Chileke l'obu t̄eme ̄o n̄odu an̄oduje emeru ohu iya ree gude ebu iya nggo ozi ono, oojeshiru iya ike ono.

Noo iphe, ìi-n̄oduje ezi ezizi; anma ̄kwa iya anmashia iya ike.

Ējo nzi waa ̄kpobe ̄ku

³ S̄u-a; teke ̄o b̄u l'o nweru onye ̄ozo, byaru awata ezi iphe, gbaru iche; ̄ophu iphe, oozu adagbad̄uru l'̄kpobe-opfu ono, b̄u opfu ke Nnajiuphu anyi, b̄u Jiz̄osu Kéreshi ono; onye ̄obu j̄ikafua iphe ono, anyi ziru l̄e ke g'ee-shije etso Chileke ono; ⁴ onye ono ekukwa onwiya ekuku l'̄ebe ad̄u iphe, ̄o maru. Iphe, ȳele onye ono eme b̄ukwa nt̄umego; ȳe abaphe mba l'opfu, enwedu ishi; opfu b̄uepho eme ḡe nemadz̄u nwejeru nwibe iya ̄nya-p̄furupfuru; adz̄o-phe ̄nya; ep̄fubyishi nwibe ph̄e; ȳe an̄odu elephe nwibe ph̄e ējo ̄nya; ⁵ m̄e al̄oru opfu chie l̄e mgbaka nwibe ph̄e. Ndu ono b̄u ndu egomunggo ph̄e dah̄uwaru adz̄ulakpa; bya ab̄ukwarupho ndu ta amadz̄u ̄kpobe-opfu ono. Ēphe an̄oduje ar̄i l'an̄uru Chileke opfu b̄u ̄zo, ̄phe e-shi rita urwu. Kpaj̄eru ̄gube ndu ono l'aphara.

⁶ Obenu l'an̄uru Chileke opfu; ȳele iphe-ephuru-l'̄nya b̄ukwa urwu, par̄u ̄ka apaa. ⁷ L'̄o t̄o d̄ukwa iphe, anyi gude bya mgboko-a; nokwaph̄o g'̄o t̄o d̄udu iphe, anyi e-gude eshi l̄e mgboko ala. ⁸ ̄o ya b̄u; anyi -nwewaru nri bya enweru uwe; g'ono phujeru anyi l'̄nya. ⁹ Obenu l̄e ndu an̄oduje ach̄o g'ee-shi g'̄ephe kpa ̄ku b̄e ējo-iphe ono, ̄phe an̄oduje ach̄o ono enwujeru ye l'eme iphe-ēji. ̄o b̄uru iphe ono ab̄ujeru ̄nyà nmata ph̄e. Ikpoto iphe, aḡu ph̄e n̄u t̄ukokpoerupho b̄uru iphe-mman̄u; t̄eme ̄o b̄uru iya ah̄uje ph̄e ̄nu l'̄oku; t̄eme ̄o n̄odu al̄otaje ph̄e

lọ-mia l'ẹka ẹphe a-nọdu mebyishihu; lakọta l'iswi. ¹⁰ Ọ kwa eye ẹnya l'okpoga bụ ọgbarabvu iphemiphe, bụ ẹjo-
iphe. O yekwaru ndu bụ opfu l'ọo l'ẹphe achọ okpoga bẹ
o gude ẹphe shiswee ụzo; parụ ekwekwe, ẹphe kweru kẹ
Kéreshi parụ haa. Ọ bụkwaru iya phọ meru g'o gude
ẹphe shi ẹgube ono gude ẹka phẹ kpatarụ onwophe
iphe-ẹhuka, dụ igwerigwe.

Iphe Timoti e-meje

¹¹ Ọle-a; gụbedua, bụ onye kẹ Chileke-a; gbalak-
waaru ẹgube iphe ono g'ọ ha; kukebe ẹhu bụru onye
pfuberekoto; akwabẹ Chileke ùbvù; nweru ekweta; yẹe
n-yemobu; mẹ nshirima; yẹe eme odoo. ¹² Gude ekweta
lwua ọgu ono lwuta ndzụ ojejoje, bụ iphe, e kuru ngu oku
iya ono; tẹme i pfuru l'edzudzu ọha gbua ya tororo sụ l'i
kwewaru kẹ Kéreshi ono. ¹³ Ọo l'iphu Chileke ono, bụ
Chileke ọphu anuje iphemiphe ndzụ; waa l'iphu Kéreshi
ono, pfuru l'iphu Payileti gbaaru ọkpobe-opfu ono ekebe
ono; ọo l'iphu phẹ bẹ mu nọ epfu iya epfushiru ngu
iya ike sụ ngu: ¹⁴ g'i tukojeekwapho ọkwa ọkwa-a, mu
anmaru ngu g'ọ ha-a tsokọtaje. G'ọ tọ dukwa ẹka ii-
tsoswe iya mẹ ẹka lanu; ọo ya bụ g'ọ tọ dukwanu
ẹka aa-ta ngu uta jeye teke Nnajiuphu anyi, bụ Jizosu
Kéreshi a-bya ọzo. ¹⁵ O -rwuẹpho bẹ Chileke e-me-a g'a
huma-dzuru Kéreshi ọbu; mbụ onye ono, dukota ree; bya
edzukoata oke l'ime onwiya; bụru Eze ndu eze; bya aburu
Nnajiuphu ndu bụ nnajiuphu. ¹⁶ Ọo ya kpoloko kpẹekpu
bụ onye ta abyadu anwuhu anwuhu. Ẹka o bu bẹ iphóró,
dụ iya nù te ekwejedu gẹ nemadzụ zakube iya ntse.
Ọ tọ dukwa nemadzụ igbakoroshienyi gudejewaa ẹnya
huma iya; ọphu ọ dukwa onye byaru ahuma iya nù. G'ọ
bụru iya bẹ ndiphe a-kwabẹje ùbvù; ike ono, te enwedu
abvubvu ono aburu nkiya. Nokwa g'ọ dụ-o!

¹⁷ A bya lẹ kẹ ndu nweru iphe lẹ mgboko-a; karu phẹ g'ẹphe te egudejekwa iya ku onwophe; ophu ẹphe edobekwa obu l'iphe ono, adudu g'oo-nọ-beru onoya. G'ẹphe dobechia obu phẹ lẹ Chileke ono, bu omeluko onoya. Chileke ono anukotaje anyi iphemiphe; nu iya anyi k'anyinyi g'oomee g'ẹhu tsomahu anyi. ¹⁸ Gẹ ndu nweru iphe meje iphe, du ree; mbu-a; g'ẹphe mejekpoo iphe, du ree tekenteke; g'ẹphe buru omeluko; l'o guje phẹ ẹgu g'ẹphe lẹ ndu ozo gbaru mgba l'iphe phẹ. ¹⁹ Oo ẹphe -nodu eme nno l'o buru iya bu l'ẹphe nweru okpobe iphe. Noo l'ẹphe e-shi ẹgube ono kpata okpobe iphe kuberu onwophe; mbu okpobe iphe ophu a-noduwaru phẹ ro jeyewaruro l'uzo iphu. Oo ya bu; o-rwuepho; g'ẹphe anata ndzu ono, bu okpobe ndzu ono. ²⁰ Su-a; jiko Timoti; kwabekwarupho iphe ono, e yeru ngu l'eka ono ẹnya. G'i letaje ẹnya g'i ti nodu epfuphe mkpokoro opfu, bu iphe eswe; ophu i nodukwa atu-phe mkpokoro ẹgo, ndiphe ahajeru su l'o bu mmamiphe. ²¹ O nweru ndu anoduje ari l'ẹphe maru iphe; ẹphe egude nno phua uzo ekwekwe ono, anyi kweru ono. Gẹ Chileke meeru unu eze-ipe-oma. Nokwa g'o du.

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d